

A Dhè bheò,
is ann tron chrann-ceusaidh agus tro aiseirigh do Mhic
a tha thu a' foillseachadh dhuinn do rùin.
Deònaich dhuinn creideamh,
gus an gabh sinn ris a' chrann-ceusaidh,
agus gum bitheamaid beò ann an solas na h-aiseirighe.
Deònaich dhuinn tuigse, agus earbsalachd nuair nach eil sinn a' tuigsinn.
A Thighearna, na do thròcair,
èist ri ar n-ùrnaigh.

A Dhè bheò,
is ann tron chrann-ceusaidh agus tro aiseirigh do Mhic
a tha thu a' foillseachadh dhuinn do rùin.
Tha sinn ag aideachadh gu bheil sinn ro bhuailteach a dhol air seachran, air tòir
rudan a nì ar mealladh.
Cuidich sinn, gus am bi ar ar n-aire ort-sa,
a' cumail ar sùilean air ceannard agus fear-crìochnachaidh ar creideimh.
A Thighearna, na do thròcair,
èist ri ar n-ùrnaigh.

A Dhè bheò,
is ann tron chrann-ceusaidh agus tro aiseirigh do Mhic
a tha thu a' foillseachadh dhuinn do rùin.
Tha thu gar gairm a bhith nar seirbheisich,
mar a bha Crìosd fhèin na sheirbheiseach air ar sgàth.
Teagaisg dhuinn nàdar an t-seirbhisich,
on Tì a thug a bheatha fhèin mar èirig airson mhòrain.
A Thighearna, na do thròcair,
èist ri ar n-ùrnaigh.

A Dhè bheò,
is ann tron chrann-ceusaidh agus tro aiseirigh do Mhic
a tha thu a' foillseachadh dhuinn do rùin.
Cuidich sinn gus an aithnich sinn do chlann nar measg,
oir is e tiodhlacan od làimh a th' annta uile.
Gabhamaid riutha ann an coimhearsnachd ar creideimh.
agus mar sin, gabhaidh sinn ri Crìosd fhèin nar measg.
A Thighearna, na do thròcair,
èist ri ar n-ùrnaigh.